

WORD

³¹Magbubuntis ka at manganganak ng isang lalaki, at papangalanan mo siyang Jesus. ³²Magiging dakila siya at tatawaging Anak ng Kataas-taasang Diyos ang trono ng ninuno niyang si David. ³³Maghahari siya sa mga lahi ni Jacob magpakailanman; ang paghahari niya ay walang katapusan.”

³⁴Nagtanong si Maria sa anghel, “Paano po ito mangyayari gayong dalaga pa ako?” ³⁵Sumagot ang anghel, “Sasaiyo ang Banal na Espiritu at lililiman ka ng kapangyarihan ng Kataas-taasang Diyos. Kaya ang banal na sanggol na ipapanganak mo ay tatawaging Anak ng Diyos.”

Lucas 1:31-35

WHAT

What does the Bible say?

Ang kulay puti tuwing Pasko ay madalas naisasama sa maniyebe na Pasko. Para sa atin, ang puti ay naisasama natin sa malahimalang panganganak ng birhen—ang pagsakatawang tao ni Jesus. Ito ang batayan at mahalagang bahagi sa pananalig bilang Kristiyano. Ang mga sumusunod ay dalawang mahahalagang kadahilanan sa himalang pagluwal ng birhen.

- **Upang tuparin ang mga pangako ng kaligtasan na isinagawa sa mga ninuno**

⁸Sapagkat sinasabi ko sa inyo na sa mga Judio at para ipakita na ang Diyos ay tapat sa pagtupad ng kanyang mga pangako sa kanilang mga ninuno. ⁹Sinugo rin si Cristo para ipakita ang awa ng Diyos sa mga hindi Judio, nang sa ganoon ay papurihan din nila ang Diyos. Ayon nga sa Kasulatan, “Pasasalamatan kita sa piling ng mga hindi Judio, at aawit ako ng mga papuri sa iyo.”

Roma 15:8,9

Ang Diyos ay nakipagkasundo sa mga pangako ng kaligtasan sa mga ninuno—kanila Adan, Noe, Abraham, Isaac, at Jacob. May kinalaman ang kaligtasan maging sa mga Israelita at mga Hentil sa pamamagitan ng binhi. Tulad ng isang kasunduaan na isinagawa at kasunduaang ipinagpatuloy ng Diyos, si Cristo ay naparito sa pamamagitan ng pagkakatawang-tao upang tuparin ang mga pangako upang maging tayo ay makinabang (Mateo 1:1; Genesis 22:18; Micas 5:1,2). Ano ang iba pang mga pangako na tinupad ng Diyos sa iyong buhay?

- **Upang tubusin tayo sa ating mga kasalanan**

Alam ninyong si Cristo na walang kasalanan ay naparito sa mundo upang alisin ang ating mga kasalanan.

1 Juan 3:5

Kinakailangang walang-salang lubos ang tumubos sa sangkatauhan mula sa kasalanan. Kaya't kung bakit si Jesus na S'yang Diyos, naparito sa pamamagitan ng malahimalang pagluwal upang ipanganak ang isang tao, na walang minanang bahid ng likas na kasalanan, isang buhay na walang sala at nabuhay ng di nagkasala upang maging alay-pambayad sa ating mga kasalanan minsan at para sa lahat. Dahil sa pagparito ni Cristo at pag-aalay, tayo ay naligtas sa pagkakasala at kaparusahan nito. Dahil kay Cristo tayo ay pinatawad. Dahil sa Kanya tayo ay nagkaroon ng masaganang buhay (Isaias 53:6; Marcus 10:45; 2 Corinto 5:21; Hebreo 9:26). Papaano ka naapektuhan ng mahalagang kaligtasang dulot ni Cristo bilang alay sa iyo?
